

An chon aea COFA tumwunun ngii non Oregon



Chon aea COFA rese nounou pekin tumwunun ngii seni ewe Oregon Health Plan (OHP), mei wor ew minafo aninnis ren, ese kamo.

- Ren chon aea COFA re tufichin nounou, pekin tumwunun ngiir epwe poputa non Saneweri 1, 2023.
- Apply ikei [ONE.Oregon.gov](https://www.oregon.gov) poputa Nofamper 1, 2022.

Poputa non Saneweri 1, 2023, ika en emon chon aea COFA, nge eaw wor omw pekin tumwunun ngii seni ewe OHP Plus (ren semwen, semqenin netip, me tumwunun ngii), en mei tufichin aea pekin tumwunun ngii meren an OHP ewe minafo COFA Proqrammin Tumwun Ngii.

En mei tufichin apply ren ei proqram poputa non Nofamper 1, 2022.

Met sokkun aninnis epwe tour ngonuk ren ewe COFA Proqrammin Tumwun Ngii?

Ewe COFA Proqrammin Tumwun Ngii mei taitap ngeni ewe pekin tumwunun ngii ren ewe OHP Plus, awewe:

- Nimenimen ngii
- Kimpa me siwinin ngii
- Pekin imerechensi ren tumwunun ngii
- Tumwunun ngii ren metekin non aaw

Ikkei ekkoch pekin tumwunun ngii epwe tour ngeni ekkewe chon fiti ei COFA Proqrammin Tumwunun Ngii. [Sinei sopwosopwun porousen an OHP pekin tumwun ngii](#)

Ei aninnis, ese kamo. Kese pwan meoni ei aninnisin tumwun ngii e nomw fan nurun ewe COFA Proqrammin Tumwunun Ngii.

Epwe ifa ussun ne tour aninnisin tumwun ngii ngeni ekkewe chon fiti COFA Proqrammin Tumwunun Ngii?

Ika ir mei ketiw meren ewe COFA Proqrammin Tumwunun Ngii, chon fiti repwe tonong non ewe Coordinated Care Organization (CCO) non chok 1-2 wiik. Ewe CCO epwe anisi chon tonong pwe epwe tour ngenir aninnisin tumwunun ngii. [Sinei sopwosopwun porousen ekkewe CCO.](#)

Ika mei auchea an emon chon fiti epwe aea ei aninnis me mwen an poputa ar ketiwenong non ewe CCO, repwe kokkori chon KEPRO, noun OHP kangof me chon ourour won tengwa ikei 1-800-562-4620. [Katon nour ewe tettennin nampan tengwa won line ikei.](#)

Ion mei tongeni apply ren ewe COFA Proqrammin Tumwunun Ngii?

Ika en emon chon fiti COFA nge ke:

- Nonnomw non Oregon; me
- Ese wor omw aninnisin tumwunun health seni ewe Oregon Health Plan (OHP)

Iwe kopwe apply ren ewe COFA Proqrammin Tumwunun Ngii.

Ewe COFA Proqrammin Tumwunun Ngii mei awora tichikin ion mei tongeni katonong, nge ekkei tichik, ina epwe ekis mecheresingaw ne weweiti. Mei pwan wor keukun mwoni tonong ren chon katonong. Ren mecheresin omw kopwe sinei ika en mei tufichin aea ewe COFA Proqrammin Tumwunun Ngii, kopwe apply.

Omw kopwe apply ren ewe COFA Proqrammin Tumwunun Ngii, mei auchea kopwe apply ren ewe OHP akkomw. Repwe cheki ika en mei tufichin aea ewe aninnisin OHP Plus akkomw.

Ifa ussun ne apply ren ewe COFA Proqrammin Tumwunun Ngii

Ewe apinikeisen ren ewe COFA Proqrammin Tumwunun Ngii ese kamo. Omw kopwe apply, en mei tongeni:

Apply won line:

- No ngeni [ONE.Oregon.gov](https://www.oregon.gov) omw kopwe tonong ika fori ew omw akaunt.
- Ammasowa echo apinikeisen ren ewe Oregon Health Plan.
- Ei apinikeisen mei mmak non fosun Merika me Spanish.

Apinikeisen won taropwe:

Mei tongeni tour ngonuk echo taropwen apinikeisen non fosun Merika ika pwan ew sokkun kapasen fonu ika ke tota won line ngeni

[OHP.Oregon.gov/Apply](https://www.oregon.gov/Apply)

- Download me print-ini echo taropwen apinikeisen non fosun [Merika](#), [Paanau](#), [Ponape](#), ika [Kusae](#)
- Kokkori noun OHP Chon Anisi Aramas ikei **1-800-699-9075** an epwe tour ngonuk echo taropwen apinikeisen me non posto.

Non foun inis:

Mei wor chon anisuk ne ammasowa echo taropwen apinikeisen ika ke no ngeni chiechien chon OHP non community ikei bit.ly/ohplocalhelp. Esinei ngenir pwe ke mochen apply ngeni ewe COFA Proqrammin Tumwunun Ngii.

Epwe wor chon anisuk?

Ren kapas eis fan iten ewe proqram ika ren omw kopwe cheki porousen omw ewe apinikeisen, kokkori noun OHP Chon Anisi Aramas ikei **1-800-699-9075**.

KAPAS EIS ME EPPONUWAN

Ion kewe chon fiti COFA?

Chon fiti COFA, ir chochon:

- Ewe Federated States of Micronesia,
- Ewe Republic of the Marshall Islands, me
- Ewe Republic of Palau.

Chon COFA, ir mei tongeni sai, angang, me nonnom non fonuwen Merika, pokiten ewe Compact of Free Association (COFA) nefiiner me ewe U.S. kafomon.

Pota ei apinikeisen e mmak pwe u apply ngeni ewe Oregon Health Plan nge esapw ewe COFA Proqrammin Tumwunun Ngii?

Ewe COFA Proqrammin Tumwunun Ngii e kawor seni ewe Oregon Health Plan.

Mei kamo ika u mochen katonong?

Apw, ese wor met kopwe meoni omw kopwe apply ngeni ewe COFA Proqrammin Tumwunun Ngii.

Ngang mei tongeni apply ngeni ewe COFA Proqrammin Tumwunun Ngii fan iten inei me semei ika inei me semei chinnap?

Kose mochen kapas ngeni noun OHP Chon Anisi Aramas ika emon chiechien OHP non Community.

Nge ika use tufichin katonong non ewe COFA Proqrammin Tumwunun Ngii?

Mei pwan wor ekkoch prokram en mei tongeni katonong non ren pekin tumwunun ngii, awewe ren ewe Veteran Prokrammin Tumwunun Ngii. Kose mochen kapas ngeni noun OHP Chon Anisi Aramas ika emon chiechien OHP non Community.

- [Anneani porousen ewe Veteran Prokrammin Tumwunun Ngii](#)

Pota e fis ei?

[An Senetor Ennuk 1538 \(2022\)](#) e apasa pwe ewe Oregon Health Authority epwe fori ew prokrammin tumwunun ngii pwe an chochon COFA, ekkewe rese tufichin aea ewe full OHP.

OHP.Oregon.gov